



17. juli 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

1. **Sunik Naalakkersuisut piumasaqaateqarpat Pilersuisup nioqqutissaanut illoqarfinni nunaqarfinnilu, pisiniarfik pingaarnertut kisiartaasutulluunniit ulluinnarnik nioqqutissanik neqerooruteqarfiusunut?**
 - a. **Qanoq ililluni Naalakkersuisut nakkutigaat, Pilersuisup piumasaqaatit taakku malinnerai, tassani pingaartumik pilersussaataitanermut, ukiup ilaagut pisussanut pilersaarusionermut aammalu inuussutissat toqqarneqarsinnaasut allanngorartinneranut tunngatillugu?**
2. **Naalakkersuisut pilersaaruteqarpat illoqarfinni aamma nunaqarfinni pilersuinnermut pissutsinik siammasinnerusumik misissuisoqarnissaanik aallartitsinissamik pingaartumik innuttaasut immikkoortitikkanut, akinut pisiareriaannarnullu Pilersuisumi misigisartagaat ukkataralugit?**
3. **Naalakkersuisut ilisimanerpaat innuttaasut Tasiilami Pilersuisumi pisiassat pillugit naammanngilluinnartutut misigisartagaat umiarsuilluunniit angallateruttulerneranni naligigaluarpassuk?**
 - a. **Taamaassimassappat Naalakkersuisut sunik suliniuteqalersaarpat?**
4. **Pilersuisoq Tasiilami tuniniakkat ilimanarsisippaat, Tasiilaq najugaqarfittut minnerusutut KNI-mit isigineqartoq. Tamanna ilumoorpaa?**
 - a. **Taamaassimassappat Naalakkersuisut piumaffigineqarput paasinnittaatsimut tassunga isumaqataanerlutik nalunaarutigeqqullugu.**
5. **Naalakkersuisut oqaluuserisamut soqutiginaatilinnik allanik paasissutissiisinaanerlutik?**

(Inatsisartunut ilaasortaq Justus Hansen, Demokraatit)

Tunngavilersuut

Pisiassaqaarnissaq innuttaasut ulluinnaanni qitiulluinnarpoq inuunermi naleqassuseq, peqqissuseq aningaasaqarniarnerlu eqqarsaatigalugit. Illoqarfinni aamma nunaqarfinni, Pilersuisoq kisimi pisiniarfittut annerusutut inissisimasumi, innuttaasut allanik qinigassaqaarnissaminut periarfissaqanngillat, taamaattumillu pisiniarfiup pisiassaatai, tamanit orninneqarsinnaanera akigititaalu pingaaruteqarluin narlutik ulluinnarni atugaannut naliginnaasumut.

Uanga soorlu ilisimaneqareersoq Tasiilami najugaqarpunga taamaattumillu akulikitsumik pisiniarfimmik atuisuullunga. Ullut tamaasa takusarpara, nioqqutissat qinigassaasut - pingaartumik inujussutissanut



DEMOKRAATIT
DEMOKRATERNE

tunngatillugu - killilerujussuusut. Taamaapporlu aamma ajorluartumik umiarsuaqartarnerata qiteqqunnerani, naatsorsuutigineqartussaagaluarluni toqqagassat amerlanerussasut. Tamanna innuttaasunut pakatsinermik pilersitsisarpaq, innuttaasutut misigineqartarmat, pisariaqartitat tunngaviusut pingaartinneqanngitsut.

REMA-1000-pisiassalli pisiniarfimmi tunisaalermata, ingasalluni ersarinnerulersimavoq, pisiassat amerlassusaat pitsaassusaallu appariartut.

Taakku apeqquiti Tasiilami æpissutsinit aallaaveqarput – uannut piviusunummata ilisimaneqarluartuullutillu – aammali pingaartippara paasissallugu, sinerissami illoqarfinni aamma nunaqarfinni allani pissutsit qanoq innersut, taakkunani innuttaatut pisuni ajornartorsiutinik assigusunik inaammattuuisarsimangersut.

Apeqquteqaatima ullut suliffiusut qulit iluanni akineqarnissat qilanaaraara.